

寶星陀羅尼經

第五

湯五 百四

47810



元祿九年丙子二月日重脩

皇圖華固 帝階級昌

第日增輝 懋輪常轉

法金剛院置

Large stylized seal or stamp, possibly reading '法金剛院' (Hōkōgwan), overlaid on the central part of the page.

八

寶星陀羅尼經卷第五

唐天竺波羅頗密多羅譯

湯

相品第五

尔時三千大千世界百億諸魔生如是念今
佛世尊入王舍城門我等應以最上莊嚴嚴
飾此城門内及地方如彼城外天龍夜叉之
所莊嚴尔時世尊以他心智知百億魔心之
所念欲以神通最上色相莊嚴佛處是時世
尊以神通力於王舍大城十二門内一一門
中皆有如來及諸大衆共入城門時百億魔
即以神通種種莊嚴勝中勝者阿僧祇等諸
莊嚴具嚴飾城門及地方城壁諸樹地上虛



空勝妙莊嚴而莊嚴之時百億魔并諸眷屬
或有作於梵天之形乃至作於大仙之形於
諸重閣窓門樓櫓却敵樹間諸處地及虛空
各於中住以種種華末香燒香金粟銀粟以
摩尼真珠及種種莊嚴以嚴衣服并諸綺繡
莊嚴具等普雨供養又以種種天之音樂擊
鼓拍手種種讚歎歌詠如來無量功德悉皆
聚集供養卍尊以如是第一最勝莊嚴大希
有相所未曾有所未曾聞卍尊住城門
下以右足指觸城門闕應時無間一切三千
大千世界普皆震動及此三千大千世界所
有釋梵日月護卍大自在天天龍夜叉捷闍

婆阿脩羅迦樓羅緊那羅摩睺羅伽等主地
天水天大海諸山城邑等天及諸男女童男
童女天仙等衆乃至阿迦尼吒天宮已來所
有衆生得大滋味色貌光澤彼一切衆見大
地動光照覺悟於王舍大城地及虛空圍繞
而住乃至華香黑栴末散灑供養是時卅
尊釋迦牟尼佛以神通力令彼散華乃至末
香普徧十方微塵等刹一方分所有清淨
及不清淨空不空等諸佛刹土悉皆供養供
給彼佛彼佛刹此所散華并諸末香莊嚴
皆出如是偈具等句之聲
汝等疾覺悟 觀不放逸行 最上菩提因

流轉甚生死

我今拔濟汝

宜速捨世事

憶往答誓願

時到孰相應

各得菩提記

牟尼因陀羅

利益世間故

今入王舍城

大仙勝無憂

已降百億魔

轉清淨法輪

應當大歡喜

如是利世間

普示勇健事

解脫世間苦

今為摩利沙

當得菩提故

今授汝等記

速往彼刹土

見妙好莊嚴

自然如是得

入彼無憂城

漸次菩提行

決定當得佛

今時十方微塵等一切佛刹彼彼大眾以佛

力故悉見此佛竹林大眾菩薩摩訶薩各各

三昧思量是時竹林所有菩薩摩訶薩思惟

住者并諸聲聞大聲聞皆見世尊於王舍城
門調伏住持彼諸大衆隨世尊後住見大莊
嚴具中出諸偈已悉皆徧滿十方一切微塵
等淨不淨空不空一切佛刹彼諸佛刹所有
菩薩摩訶薩及住聲聞聞此聲已作如是念
何處有此法聲徧滿如是可意聲如是美妙
如是可愛如是可樂如是可喜如是勸發如
是大功德稱揚之聲及見華末香雨雨於十
方無量莊嚴無量華香細末之雨時彼菩薩
摩訶薩及大聲聞捨所作業皆大驚歎尔時
釋迦如來即入三昧名依佛莊嚴嚴飾三昧
入三昧已應時無間一切娑婆世界及十方

一切微塵佛刹所有大衆悉見此佛刹中如
是大莊嚴相如彼未來世中普見如來淨無
染聚世界功德莊嚴惟無一事謂城壁等而
自然莊嚴一切十方諸佛刹土微塵等世界
諸佛世尊普見釋迦如來住王舍大城光明
赫奕甚大端嚴彼諸佛刹所有大菩薩摩訶
薩等及大聲聞聞此偈已各皆憶念觀於四
方見此世界如對目前以一切諸佛境界力
故及見諸天種種莊嚴時彼菩薩摩訶薩等
及大聲聞作如是念我等決定往於彼土大
集會中莊嚴之處及彼佛刹功德莊嚴普觀
察之見釋迦如來已修行供養我等於彼佛

所得阿耨多羅三藐三菩提記時彼十方一切佛刹微塵等世界諸菩薩摩訶薩等及大聲聞釋迦如來神力加故各自佛刹於刹那羅婆摸呼多頃彼沒此現到娑婆世界時彼十方一一方分無量無數佛刹微塵等菩薩摩訶薩一切悉到此佛刹地及虛空徧滿而任彼諸菩薩摩訶薩等各依菩薩種種善根若干力故修營供養釋迦如來且置是事或有菩薩於此佛刹兩種種華一切徧滿爲供養事供養卍尊或有兩於種種真珠乃至或有金銀毗瑠璃頗梨石藏寶摸薩羅牛頭栴檀龍堅栴檀多摩羅葉悉以爲末雨滿虛空爲

供養事供養世尊或有雨於種種嚴飾諸莊
嚴具衣服綺繡爲供養事供養世尊或豎種
種幢幡寶蓋爲供養事供養世尊或燒種種
之香或散種種寶鬘或擊種種伎樂或有示
現種種歌舞或有種種香水雨此方地而灑
潤之或有種種寶器盛種種寶於世尊前捧
持供養或有種種寶器盛滿香水以華菓葉
而莊嚴之於世尊前捧持供養或有種種寶
樹種種天衣華菓莊嚴舉手捧持於世尊前
爲供養事或有化作大梵天身合掌佛前乃
至廣說如前所作或有化師子之形於世尊
前如是禮拜彼諸衆生以佛神力及自善根

加護力故互相觀視於自眼根不取諸色以
佛世尊現如是相及魔王所作大境界天之
所作若干境界及以如來自念處正斷神足
根力覺道十八不共法諸佛境界若干變現
隨世尊後入王舍大城向彼中街蓮華之所
世尊到已以右手掌摩蓮華葉而挽任之時
彼蓮華因挽動故於此佛刹一切魔宮魔所
坐處悉皆震動彼魔男女所有眷屬及諸徒
衆所居住者皆生怖畏驚愕而任自相謂言
無因無緣我此宮室如是震動莫復我等魔
王境界自失位耶莫復我等所任宮室滅沒
之法於此起耶我等今者決須觀察時彼諸

魔見此事已作如是念此佛刹土皆是五濁
誰復今者能令如是微妙莊嚴甚可愛樂時
彼諸魔於自境界所居住處并諸眷屬悉不
復現惟見釋迦如來三十二相大人之相具
足莊嚴光明赫奕甚大顯照於此一切三千
大千世界及一切佛刹種種諸相色貌現任
衆生普遍而無有一可識衆生時彼一切無
量衆生於世尊前悉見修營爲供養事時彼
諸魔作如是念我等決定往彼釋迦如來所
見已禮拜并請所問我等魔王并諸眷屬今
日悉皆何處去耶尔時此佛世界百俱脰魔
并諸眷屬往世尊所到已恭敬於佛前住時

彼魔王向佛曲躬合掌恭敬說如是偈

我以清淨心 歸依於世尊 速放我令去

從今行法行 尔時世尊以偈答曰

我不障一人 來者及去者 汝若能知道

隨汝欲所去 尔時魔王復說偈曰

如我所欲去 所樂自宮室 今見五種縛

瞿曇之所縛 尔時世尊以偈答曰

我斷諸分別 自解脫世間 我既解脫縛

令他離惱害

尔時世尊即以佛眼觀視一切此佛刹土地

及虛空衆生徧滿而說偈言

汝等今當聽 一切普來者 棄捨諸疑惑

且各默然住
具足淨信難
得聞法甚難
調伏心為難
一切世間惡
我當為汝說
示現無上道
聽大師善說
建立三解脫
散滅令無餘
世尊天及魔
皆得最勝斷

世間佛難值
菩提行復難
能修於諸忍
及修於空行
菩提行難得
但說一華分
所得菩提者
度彼岸諸流
安立三護等
汝為供三寶
三世加護故
得解脫三界

法僧值亦難
親於世尊前
此一時亦難
能斷諸分別
如我先所行
闇陰令滅壞
今當斷三垢
捨諸大渴愛
三界諸煩惱
復為法故來
三世惑覆心
滅煩惱之忍

及四種顛倒

顛倒諸凡夫

分別無體性

彼非有忍器

眼等著諸色

身口意覆翳

彼無四禪定

親近於生死

聰明智慧者

能修於禪定

彼今得解脫

離於四顛倒

及解脫眾生

自在拔四流

解知諸起滅

所有調柔者

當得度彼岸

菩薩具四行

及以無所畏

正智皆能斷

眾生諸有縛

能解知五陰

無漏離羂縛

不復數數生

到有海彼岸

汝等諸佛前

速發露諸惡

諸惡斷無餘

到彼無畏岸

所有生死苦

隨受有為者

數數生諸有

隨逐於惡友

當遠離惡友

斷除於惡見

憶念生死苦

修習第一義 當飲無上水 應修習於空

第一義無體 無實亦無相 六根猶如空

此中無作者 分別相如是 惟分別無法

六受及六愛 六觸為其本 六觸入如是

亦須解知空 觀察無一物 如法自體性

無起亦無滅 此中見無實 諸法同法性

三世無一物 若知無熱惱 此道最無上

離十三我相 衆生想分別 如是修羸提

此彼得解脫

尔時世尊以無礙福力而無所畏依種殖善

根故能變現出大圓音聲徧十方說如此偈

尔時十方無量阿闍毗恒河沙譬喻等諸空

不空五濁世界悉皆聞此圓音演說聞此聲
已彼剎那頃如是一一無量佛剎無量無數
百千俱胝那由他等所有衆生甚無所欲惟
有清淨愛樂之心於往咎所得阿耨多羅三
藐三菩提更不退轉或得種種三摩提羸提
陀羅尼於此佛所集無量無數衆生聞如此
句義文字已即得阿毗跋致復有無量無數
衆生於三乘法各隨得度尔時光味菩薩摩
訶薩以已神力化作七寶階以華徧布其上
爲蓮華座欲令如來昇此座故向佛恭敬曲
躬合掌說如是偈

佛一切智月

觀世老病死

憂患所沒漏

世間動不動

為彼作法橋

佛觀滿刹土

無量大眾生

悉皆合掌待

分布施法會

示現已所得

破眾生煩惱

無比方便智

於此普示現

佛昇蓮華座

普雨大法雨

十方一切佛

及餘智大仙

與佛作證明

牟尼因陀羅

降伏天魔王

自性空無有

知法如虛空

憶念普誓願

轉無上法輪

今當拔眾生

住於四流者

人中師子王

佛今知此法

令度三有海

佛說無等法

除眾生罪垢

世尊大智慧

利益諸眾生

安置善逝道

尔時世尊如其所化寶階之上盍頭摩座昇

蓮華臺如來坐已徧觀十方一切大眾告魔
王言汝今於此應生歡喜由汝因緣今得此
處大集法門說此法時無量無數所有眾生
今世來世皆得解脫處胎殃橫老死四流普
各得度住吉祥道又復令得虛空等智魔王
汝今此處為首令諸眾生善根增長魔王汝
可請我說法令此眾中高慢眾生度諸流故
而為說法是時魔王說如是偈

瞿曇若無過

及無瞋慢者

云何驚動我

今此說大法

若有此瞋慢

云何得解脫

我今未審知

牟尼為我說

尔時世尊以偈答魔王曰

我處十月胎

同彼人中事

汝魔欲害我

我都無穢憎

我忍度諸惡

穢惡悉無餘

我既出生已

汝復動大地

雨石來害我

復欲斷我乳

令乳速乾竭

無量不受事

何種而不作

我任禪定時

遣諸女惱我

我又乞食時

障他令不施

請我作國王

今我轉生死

踰城出家時

復令夜黑闇

兵眾圍繞城

是皆汝所作

我乘神通往

復放大風雨

令地為溝坑

沙石高滿路

我住寂靜林

現作畏惡聲

於彼苦行處

吹作切寒風

在河欲度處

汝復放暴流

現作猛師子

復欲令殺我

我欲飲食時

汝以毒和食

我往菩提樹

雨下金剛雹

刀箭雨哭器仗

袈裟法衣服

悉欲令塗汙

我處金剛座

利益諸衆生

彼時汝亦遣

諸女來惱我

汝并將軍衆

不憶害我時

我無微塵意

於汝作惱亂

我證無上道

已曾降伏汝

汝今乃無耻

復說是惡語

往以惡方便

惱大迦葉等

無量衆生善

汝皆所滅壞

汝既無悲憐

今復欲害我

我入城乞食

復放凶醉鳥

調達放大石

三月食大麥

孫陀羅惡聲

火坑惡毒食

是皆汝所作

決定重惡業

汝曾向道樹

威力并軍衆

以無量刀箭

持來欲害我

不動我一毛
起發俱服魔
如是證知我
而汝常於我
因陀羅牛王
施作於佛事
縱汝加諸惡
穢惡諸過患
我欲寂滅汝
令三界寂滅
於我生依怙
汝常懷惡心

何故復住此
那由他衆生
我住慈悲心
極作惡障礙
悉現證知我
我爲衆生故
我終不捨忍
我爲隨攝汝
今應請我說
爲汝除惡業
我常清淨心
應當捨惡見

如爲醉毒塗
來滿此佛刹
攝汝及衆生
此諸牟尼尊
我今於惡時
住於解脫心
我無嫉妬意
如是常勤勞
甘露第一法
汝速清淨意
欲令汝解脫
意作清淨信

汝今當覺知。不久得授記。

尔時魔王復於佛所倍增瞋恨從此欲去自知五縛即欲出於可畏之聲復不能出以己瞋力發熱毒氣其氣猛盛欲害如來是時世尊以慈善力變此惡氣爲蘇摩那華蓋徧覆十方一切佛刹於一切諸佛壽命安隱現說法者蘇摩那蓋於虛空中近佛頂住時彼佛刹所有菩薩摩訶薩各各請問今此華蓋從何而來是誰神力之所變化時彼諸佛各各所問諸菩薩言諸善男子彼有世界名曰薩訶五濁不淨有佛世尊名釋迦如來阿羅訶三藐三佛隨以本願力故成阿耨多羅三藐

三菩提已現在說法為欲摧滅諸魔境界力
故豎立一切諸佛力無所畏佛境界故豎立
一切諸佛教法三寶種燈令久住故一切善
根增長故以精進神力變化降伏一切外道
之怨故一切驚怖不吉諍論惡夢惡相內外
怨敵鬪諍繫縛言訟不和水旱荒儉非時之
雨寒熱風溼疫氣病癘惡聲消滅故一切天
龍夜叉人非人等悉令迴向故一切刹利亦
令迴向故一切四姓誨以法義然智慧炬示
以正路故一切家宅城邑聚落人主斷事國
王王宮市廛之處悉令迴向故一切星曜晝
夜度數半月一月時節年歲悉皆正行故一

切五穀華菓藥草悉皆成熟故一切工巧生
業處所不令散失所作成熟故一切身口意
業過患悉得消滅故善作籌量念慧揔持勇
猛無畏色相樂說悉皆增長故一切法無障
明覺四聖種法作受持故光顯大乘增長菩
薩摩訶薩安慰阿毗跋致地金剛心作護持
故作十地一味故解無生法忍受佛職建立
菩提故所化衆生如所隨攝轉大法輪大悲
普覆一切衆生住波羅蜜住無上道雨於法
雨以法滋味充足衆生故滿足一切諸佛之
事解脫一切四魔境界故建立無餘涅槃之
界故有陀羅尼印名金剛法等因緣法心建

立一切法摧碎入差別記欲說故一切過去
如來阿羅訶三藐三佛陀名金剛法等因緣
法心建立一切法摧碎陀羅尼印句入差別
記說受持手相隨喜及現在十方諸佛住世
壽命將養一切諸佛亦說彼金剛法等因緣
法心建立一切法摧碎陀羅尼印句入差別
記現說受持手相隨喜於未來世十方世界
諸餘如來阿羅訶三藐三佛陀所有諸佛當
出於世亦說此金剛法等因緣法心建立一
切法摧碎陀羅尼印句入差別記亦當說受
持手相隨喜亦時彼諸佛刹所有菩薩各各
請佛白言世尊此是何法我皆未聞金剛法

等因緣法心建立一切法摧碎陀羅尼印句
入差別記能作如是無量利益能具足如是
不可思議法利能作一切法無障礙明乃至
寂滅諸佛世尊說此金剛法等因緣法心建
立一切法摧碎陀羅尼印句入差別記時一
切魔力境界魔滅乃至於彼無餘涅槃而般
涅槃於諸衆生無量利益無量安樂為欲憐
愍一切世間利益安樂無量天人衆生聚故
時彼諸佛告彼菩薩作如是言善男子我亦
共汝往彼娑婆世界釋迦如來阿羅訶三藐
三佛陁之所住處所有十方現在世尊壽命
將養諸餘世界彼諸世尊共一切菩薩前後

圍繞并聲聞僧侍於前彼諸世尊亦當往
彼釋迦如來大集會所彼釋迦如來共諸佛
亦當說此金剛法等因緣法心建立一切法
摧碎陀羅尼印句入差別記當共受持當于
隨喜利益衆生遮惡業行爲滿賢行滿無上
智故一切諸佛今悉集彼與諸菩薩聲聞僧
等圍繞侍今悉現前在彼佛所若汝欲得
此金剛法等因緣法心建立一切法摧碎陀
羅尼印句入差別記應往彼聽及欲供養無
量無數恒河沙等之所譬喻一切佛刹諸佛
世尊一時現在及欲見彼皆所未見諸佛境
界菩薩境界諸天境界諸魔境界佛刹莊嚴

之所嚴飾及欲見彼皆所未見無量佛集者
今正是時可共我等徃彼世界釋迦如來所
任之處大集法會時彼菩薩摩訶薩各白佛
言如是如是大德世尊我等當與如來俱徃
彼處娑婆世界釋迦如來所集法會於彼佛
所皆所未聞為聽彼法金剛法等因緣法心
建立一切法摧碎陀羅尼印句入差別記故
我等於彼無量無數諸佛世尊一時一集住
世將養者得供養故及聞彼法我等於娑婆
世界得見彼四種神通境界嚴飾普莊嚴事
及見彼大集法會莊嚴我等若徃彼佛刹說
陀羅尼時得容止處不及承事供養彼佛聽

法以不又彼如是所集徒衆菩薩摩訶薩得
供養不時彼諸佛各各告彼諸大菩薩摩訶
薩及大聲聞作如是言諸善男子汝等莫疑
於彼世界有容止處不何以故諸佛境界入
無邊平等智巧無邊成熟衆生無邊廣博空
處諸善男子彼釋迦如來大巧方便具足善
男子所有衆生衆生界所攝者但界入所依
處彼諸衆生若一一衆生假使如須弥等身
彼釋迦如來能令一切無量衆生如是等身
入芥子中一一衆生所居之處皆得廣博空
處遠不相見一切衆生如是大身入一芥子
而不覺知有增減相復次善男子所有地界

是堅韌者釋迦如來悉能令彼一切地界入
一最細隣虛塵中彼大地微塵亦不覺知有
增減相是名如來巧方便智如是具足復次
善男子一切水界所有津潤釋迦如來悉能
令彼一切水界入一最細毛端之中彼一毛
端一切水界亦不覺知有增減相復次善男
子一切火界所有暖相悉能令彼一切三世
所有火界入一最細隣虛塵中而彼火界入
細微塵行自境界猶如廣博虛空之處復次
善男子所有風界所覺者釋迦如來悉能令
彼一切風界入一毛孔彼一切風於一毛孔
行自境界猶如廣博虛空之處復次善男子

十方佛刹一切衆生及彼四大釋迦如來悉能令彼入一最細隣虛塵內一切衆生并彼四大行自境界所用之事猶如虛空不相燒亂亦不覺知彼一微塵有增減相是名如來巧方便智如是具足復次善男子乃至三世所攝衆生六入行取願持語言音聲文字言說三行作業陰界分別長養種種所作彼一切衆生往管已來三世所攝六趣生死起滅乃至一切衆生三世所攝過刹那羅婆牟忽多者乃至一切衆生三世所攝乃至及一切衆生三世所攝受所受苦樂覺知彼一切刹那頃彼釋迦如來悉能覺知若干諸相悉具

足知而如來不分別無分別無思念如三世
際悉知是相善男子諸佛入境界智方便平
等成熟衆生方便具足尔時諸佛說釋迦如
來如此相時種種諸方彼諸如來各各徒衆
無量無數百千菩薩願智神通勝妙境界皆
度彼岸

寶星陀羅尼經卷第五

湯

門闕

下兄域反

赫弈

上許客反下音亦

互相

上音護与下同

挽

音晚

驚愕

下吾反

疾病癘

下音

斷事

上丁乱反理也

市廛

下亦作廛

堅

鞭

下吾更去反

燒亂


上音

俠

音叶權

亦作硬

1



猪飼順良寄附

